

全上古三代秦漢三國六朝文

全晉文卷一百十九

烏程嚴可均校輯

桓立

立字敬道，小名靈寶，溫第六子。襲爵南郡公。孝武末，拜太子洗馬，出補義興太守，棄官歸安。帝初曰：爲都督交廣二州，建威將軍，平越中郎將，廣州刺史，不行。尋爲江州刺史，加都督荊州四郡，進後將軍，都督江荆襄雍秦梁益寧八州，及揚州八郡，江荆二州刺史。元興初，舉兵犯順，自加總百揆，侍中，都督中外諸軍，丞相錄尚書事，揚州牧，領徐州刺史，復讓丞相，自署太尉，封楚王，加九錫。呂元興二年，受禪，改元永始，義兵起伏，誅有周易繫辭注二卷，集二十卷。

鳳賦

伊口品之自口，亦在類而有別。惟羽族之殊誕，獨鸞皇而稱桀。邈

區宇曰超模撫朝陽于丹穴備六德曰成輝奮藻翰之郁烈集崑

峯而斂翼翔青冥曰遐越

漢文類聚九十
初學記三十

鶴賦

惟茲禽之受命諒誕生于悠邈擢高距目自抗延脩頸曰軒囑分

頰立曰發藻通太素其如玉縱眇颺于雲裔豈四海之難局練妙

氣曰適化孰百年之易促稅雲駕于三山升鸞皇于崑嶽

藝文類
聚九十

鸚鵡賦

有遐方之令鳥超羽族之拔萃翔清曠之遼颺栖高松之幽蔚羅

萬里曰作貢嬰樊繼曰勤瘁紅腹頰足立頷翠頂革好音曰遷善

效言語曰自騁翦羽翮曰應用充戲玩于軒屏

藝文類
聚九十一

眷儔侶而情殷

文選顏延之贈
王太常詩注

沙汰眾僧敘

夫神道茫昧聖人之所不言然惟其制作所弘如將可見佛所貴

無爲慙慙在下絕欲而比者陵遲遂失斯道京師競其奢淫榮觀
紛于朝市天府曰之傾匱名器爲之穢黷避役鍾于百里逋逃盈
于寺廟乃至一縣數千猥成屯落邑聚游食之羣境嶺不羈之眾
其所曰傷泊害政塵滓佛教固已彼此俱弊實汗風軌矣便可嚴
下在此諸沙門有能伸述經誥暢說義理者或禁行脩整奉戒無
虧恆爲阿練若者或山居養志不營流俗者皆足曰宣寄大化亦
所曰示物曰道弘訓作範幸兼內外其有遠于此者皆悉罷道高僧
傳六出三藏記集所在領其戶籍嚴爲之制速申下之并列上也
十五作悉皆罷遣唯廬山道德所居不在搜簡之例宏明集
十二

上疏理謗

臣聞周公大聖而四國流言樂毅王佐而被謗騎劫巷伯有豺獸
之慨蘇公興飄風之刺惡直醜正何代無之先臣蒙國殊遇姻婭
皇極常欲以身報德投袂乘機西平巴蜀北清伊洛使竊號之寇

繫頸北闕、園陵脩復、大恥載雪、飲馬灞澹、懸旌趙魏、勸王之師、功
非一捷、太和之末、皇基有潛移之懼、遂乃奉順天人、翼登聖朝、明
離既朗、四凶兼澄、向使此功不建、此事不成、宗廟之事、豈可孰念
昔太甲雖迷、商祚無憂、昌邑雖昏、樊無三孽、因茲而言晉室之機
危于殷漢、先臣之功、高于伊霍矣、而負重既往、蒙謫清時、聖世明
王、黜陟之道、不聞廢忽、顯明之功、探射冥冥之心、啓嫌謗之塗、開
邪枉之路者也、先臣勤王艱難之勞、匡復剋平之勲、朝廷若其遺
之、臣亦不復計也、至于先帝龍飛九五、陛下之所目繼明南面、請
問談者、誰之由邪、誰之德邪、豈惟晉室永安、祖宗血食于陛下、一
門實奇功也、自頃權門日盛、醜政實繁、咸稱述時旨、互相扇附、臣
之兄弟、皆晉之罪人、臣等復何理可目、苟存聖世、何顏可目、尸
饗封祿、若陛下忘先臣大造之功、信貝錦譏罪之說、臣等自當奉
還三封、受戮市朝、然後下從先臣、歸先帝于玄宮耳、若陛下述遵

先旨追錄舊勳竊望少垂愷悌覆蓋之恩

晉書桓玄傳

討元顯檄

案揚州刺史元顯凶暴之性自幼加長犯禮毀教發蒙如備居喪無一日之哀衰經爲省征之服絰觴于殷憂之時窮色于罔極之日劫略王國竇妓妾一朝空房此基惡之始駭愕視聽者矣相王有疾情無悚懼幸災擅命揚州篡授遂乃父子同錄比肩連案既專權重多行險暴恐相王知之杜絕視聽惡聲無聞佞諂日至萬機之重委之廝孽國典朝政紛紜淆亂又諷旨尙書使普敬錄公錄公之位非盡敬之所苟自尊貴遂悖朝禮又妖賊陵縱破軍殄民之後已爲都督親則刺史于宜降之日輒加崇進弱冠之年古今莫比宰相懲惡已獨解錄推禍委凱歸之有在自古僭逆未有若斯之甚者取妾之儼殆同六禮乃使尙書僕射爲媒人長史爲迎客嬖賸饗餐賀同長秋所謂無君之心觸事而發八日觀佛略

人子女至人家宿唐突婦妾慶封迄今甫見易室之飲晉靈已來忽有支解之刑喜怒輕戮人士割裂治城之暴一睡而斬又呂四歲孽子興東海之封吳興殘暴之後橫復若斯之調妖賊之興實由此暨居喪極味孫泰供其膳在夜思遊亦孫泰延其駕泰承其勢得行威福雖加誅戮所染既多加之已苦發樂屬枉濫者眾驅逐徙機死叛殆盡改號元興已爲己瑞莽之符命于斯尤著否極必亨天盈其毒不義不昵勢必崩喪取亂侮亡實在斯會三軍文武憤踊卽路

魏書島夷桓立傳

荅會稽王道子牋

王珣神情朗悟經史明徹風流之美公私所寄雖逼于同異嫌諒才用不盡然君子在朝弘益自多也時事艱難忽爾喪失歎懼之深豈但風流相悼而已其崎嶇九折風霜備經雖賴明公神鑒亦識會居之故也卒已壽終殆無所哀但情發去來寘之未易耳

王珣傳又御覽二百十一引晉
中興書三百八十引謝安別傳

致會稽王道子牋

賊造近郊已風不得進已而不致火食盡故去耳非力屈也昔國
寶卒後王恭不乘此入統朝政足見其心非侮于明公也而謂之
非忠今之貴要腹心有時流清望者誰乎豈可云無佳勝直是不
能信之耳用理之人然後可已信義相期求利之徒豈有所惜而
更委信邪爾來一朝一夕遂成今日之禍矣阿衡之重言何容易
求福則立至干忤或致禍在朝君子豈不有懷但懼害及身耳立
忝任在遠是已披寫事實

晉書會稽
王道子傳

與袁宜都書論嘯

讀卿歌賦序詠音聲皆有清味然已嘯爲髣髴有限不足已致幽
旨將未至耶夫契神之音既不俟多聽而通其致苟一音足已究
清和之極阮公之言不動蘇門之聽而微嘯一鼓立默爲之解顏

若人之興逸響惟深也哉

藝文類聚十九御覽三百九十二

與羊欣書

賢從情所信寄暴疾而殞視予之歎如何可言

世說傷逝篇羊孚年三十一卒桓玄

與羊欣書云云注引羊氏譜曰孚即欣從祖

與殷仲堪書

今當人恟討除佞期頓兵江口若相與無貳可殺楊廣若其不介

便當率軍入江

魏書桓玄傳

與劉牢之書

今君戰敗則傾宗戰勝則覆族已足安歸乎孰若翻然改圖唯理

是宅保其富貴全其勳業則身與金石等固名與天壤俱窮孰與

頭足異處身名俱滅為天下笑哉夫明者見于無形愚夫安于所

耽二者成敗惟君圖之

藝文類聚二十五

與釋慧遠書勸罷道

夫至道緬邈佛理幽深豈是悠悠常徒所能習求沙門去棄六親之情毀其形骸口絕滋味被褐帶索山棲枕石永乖世務百代之中庶或有一髣髴之聞今世道士雖外毀儀容而心過俗人所謂道俗之際可謂學步邯鄲匍匐而歸先聖有言未知生焉知死而令一生之中因苦形神方求冥冥黃泉下福皆是管見未體大化迷而知反去道不遠可不三思運不居人忽然將老可復追哉聊贈至言幸能納之

宏明集

與桓謙等書論沙門應致敬王者

玄再拜白頓首八日垂至舊諸沙門皆不敬王者何庾雖已論之而竝率所見未是昌理相屈也庾意在尊主而理據未盡何出于偏信遂淪名體夫佛之爲化雖誕昌茫浩推乎視聽之外然昌敬爲本此處不異蓋所期者殊非敬恭宜廢也者子同王侯于三大原其所重皆在于資生通運豈獨昌聖人在位而比稱二儀哉將

曰天地之大德曰生、通生理物存于王者、故尊其神器而禮實惟隆、豈是虛相崇重、義存君御而已哉、沙門之所曰生生資存、亦曰用于理命、豈有受其德而遺其禮、需其惠而廢其敬哉、既理所不容、亦情所不安、一代大事、宜共求其衷、想復相與研盡之比、八日令得詳定也、桓玄再拜頓首敬議、沙門不拜俗事一

與王謐書論沙門應致敬王者

沙門抗禮至尊、正自是情所不安、一代大事、宜共論盡之、今與八座書、向已送都、今付此信、君是宜任此理者、遲聞德音俗事一

與釋慧遠書

沙門不敬王者、既是情所不了、于理又是所未論、一代大事、不可令其體不允、近與八座書、今曰示君、君可述所曰不敬意也、此便當行之事、一二令詳遺、想君必有曰釋其所疑耳、王領軍大有任此意、近亦同遊謝中、面共諮之、所據理殊未釋所疑也、令郭江州

取君答可旨付之

高僧傳六沙門
不拜俗事一

重與慧遠書

知曰方外遺形故不貴爲生之益求宗不由順化故不重運通之資又云內乖天屬之重而不違其孝外闕奉王之恭而不失其敬若如來言理本無重則無緣有致孝之情事非資通不應復有致恭之義君親之情許其未盡則情之所寄何爲絕之夫累著在于心滯不由形敬形敬蓋是心之所用耳若乃在其本而縱曰形敬此復所未之喻又云佛教兩弘亦有處俗之教或澤流天下道洽六親固曰協贊皇極而不虛霑其德矣夫佛教存行各曰事應因緣有本必至無差者也如此則爲道者亦何能違之哉是故釋迦之道不能超白淨于津梁雖未獲須陞故是同國人所蒙耳就如來言此自有道深德之功固非今之所謂宜教者所可擬議也來示未能共求其理便大致慨然故是未之喻也想不惑留常之滯

而謬情理之用耳

沙門不拜俗事一

與劉邁書

北府人情云何卿近見劉裕何所道

宋書武帝紀上

四皓論

四皓來儀漢廷孝惠呂立而惠帝柔弱呂后凶忌此數公者觸彼埃塵欲呂救樊二家之中各有其黨奪彼與此其讎必興不知匹夫之志四公何呂逃其患素履終吉隱呂保生者其若是乎

晉書殷仲堪傳

難王謚

來示云沙門雖意淡于敬而不呂形屈爲禮難曰沙門之敬豈皆略形存心懺悔禮拜亦篤于事爰暨之師逮于上座與世人揖跪但爲小異其制耳既不能忘形于彼何爲忽儀于此且師之爲禮目資悟爲德君道通生則理宜在本在三之義豈非情理之極哉

來示云外國之君莫不降禮良曰道在則貴不曰人爲輕重也難
曰外國之君非所宜喻而佛教之興亦其旨可知豈不曰六夷驕
強非常教所化故大設靈奇使其畏服既畏服之然後順軌此蓋
是大懼鬼神福報之事豈是宗玄妙之道邪道在則貴將異于雅
音豈得被其法服便道在其中若曰道在然後爲貴就如君言聖
人之道道之極也君臣之敬愈敦于禮如此則沙門不敬豈得曰
道在爲貴哉

來示云歷年四百歷代有三而弘之不異豈不曰獨絕之化有且
用于陶漸清約之風無害于隆平者乎難曰歷代不革非所曰爲
證也曩者晉人略無奉佛沙門徒眾皆是諸胡且王者與之不接
故可任其方俗不爲之檢耳今主上奉佛親接法事事異于昔何
可不使其禮有準日用清約有助于教皆如君言此蓋是佛法之
功非沙門傲誕之所益也今篤己祇敬將無彌濃其助哉

來示云功高者不賞惠深者忘謝雖復一拜一起豈足答濟通之恩難曰夫理至無酬誠如來旨然情在罔極則故自從之此聖人之所曰緣情制禮而各通其寄也若曰功深惠重心略其謝則釋迦之德爲是深邪爲是淺邪若淺邪不宜曰小道而亂大倫若深邪豈得彼肅其恭而此弛其敬哉

沙門不拜俗事一

重難王謚

省示猶復未釋所疑因來告復粗有其難夫情敬之理豈容有二皆是自內曰及外耳既入于有情之境則不可得無也若如來言王者同之造化未有謝惠于所稟措感于理本是爲功玄理深莫此之大也則佛之爲化復何目過茲而來論云津塗既殊則義無降屈宗致既同則長幼成序資通有係則事與心應若理在已本德深居極豈得云津塗之異而云降屈邪宗致爲是何邪若曰學業爲宗致者則學之所學故是發其自然之性耳苟自然有在所

由而稟則自然之本居可知矣。資通之悟更是發鑒其未耳。事與心應何得在此而不在彼。又云周孔之化救其甚弊故盡于一生而不開萬劫之塗。夫曰神奇爲化則其教易行異于督曰仁義盡于人事也是曰黃巾妖惑之徒皆赴者如雲。若此爲實理行之又易。聖人何緣捨所易之實道而爲難行之末事哉。其不然也亦曰明矣。將曰化教殊俗理在權濟恢誕之談其趣可知。又云君臣之敬理盡名教。今沙門既不臣王侯故敬與之廢何爲其然。夫敬之爲理上紙言之詳矣。君臣之敬皆是自然之所生理篤于情本豈是名教之事邪。前論已云天地之大德曰生通生理物存乎王者苟所通在斯何得非自然之所重哉。又云造道之倫必資功行。積行之所因來世之關鍵也。擬心宗極不可替其敬雖俯仰累劫而非謝惠之謂請復就來旨而借曰爲難如來告曰敬爲行首是敦敬之重也。功行者當計其爲功之勞耳何得直曰珍仰釋迦而

云莫尚于此邪、惠無所謝、達者所不惑、但理根深極、情敬不可得
無耳、臣之敬君、豈謝惠者邪、沙門不拜
俗事一

三難王謚

來難手筆甚佳、殊爲斐然、可爲釋疑處、殊是未至也、遂相攻難
未見其已、今復料要、明在三之理、呂辯對輕重、則敬否之理可知
想研微之功、必在苦愈、枿耳八日已及、今與右僕射書、便令施行
敬事尊王之道、使天下莫不敬、雖復佛道無呂加其尊、豈不盡言
邪、事雖已行、無豫所論、宜究也、想諸人或更有精枿耳、可呂示仲
文、

比獲來示、并諸人所論、竝未有呂釋其所疑、就而爲難、殆呂流遷
今復重申前意、而委曲之想、足下有呂頓白馬之轡、知辯制之有
耳、夫佛教之所重、全呂神爲貴、是故師徒相宗、莫二其倫、凡神之
明暗、各有本分、分之所資、稟之有本、師之爲功、在于發悟、譬猶荆

璞而瑩拂之耳。若質非美玉，琢磨何益？是爲美惡存乎自然，深德在于資始，拂瑩之功實已末焉。既懷玉自中，又匠已成器，非君道則無已。申遂此生而通其爲道者也。是爲在三之重而師爲之末。何已言之？君道兼師而師不兼君，教已弘之，法已齊之，君之道也。豈不然乎？豈可已？在理之輕而奪宜尊之敬，三復其理，愈所疑駭，制作之旨，將在彼而不任此，錯而用之，其弊彌甚，想復領其趣而遺其事，得之濠上耳。沙門不拜
俗事卷一

南遊衡山詩序

歲次降婁，夾鍾之初，理機將遊于衡嶺，涉湘千里，林阜相屬，清川窮澄，映之流涯，渌無纖埃之穢，脩途逾邁，未見其極，窮日所經，莫非奇趣，姑洗之旬，始暨于衡嶽，于是假足輕輿，宵言載馳，軒塗三百，山徑徹通，或垂柯跨谷，俠獻交蔭，或曲溪如塞，已絕復開，或乘步長嶺，邈眺遙曠，或憩輿素石，映濯水湄，所已欣然奔悅，求路忘

金華集卷之十
疲者觸事而至也。仰瞻翠標，邈爾天際。身凌太清，獨交霞景。周覽
既畢，頓策崑阿。管絃竝奏，清徵再響。思古永神，遊氣未言。初學記五

龍山獵詩序

故老相傳，大旱獵龍山，輒得雨。因時之旱，宵往畋之。潜宮舊事五

王孝伯誄

隆安二年九月十七日，前將軍青兗二州刺史太原王孝伯薨。

川岳降神，哲人是育。既爽其靈，不貽其福。天道茫昧，孰測倚伏。犬
馬反噬，豺狼翹陸。嶺插高梧，林殘故竹。人之云亡，邦國喪牧。于已

諫之，爰旌芳郁。世說文學篇注引晉安帝紀

入京矯詔

義旗雲集，罪在元纁。太傅已別有敎，其解嚴息甲，已副義心。晉書桓玄傳

顧祥矯詔

靈瑞之事非所敢聞也斯誠相國主德故事爲之應太平之化于是乎始六合同悅情何可言

晉書桓玄傳

論賞劉裕等將士詔

劉裕曰寡制眾屢摧妖鋒汎海窮追十殄其八諸將力戰多被重創自元帥以下至于將士竝宜論賞曰敘勳烈

宋書武帝紀上

許沙門不致禮詔

門下佛法宏誕所未能了推其篤至之情故寧與其敬耳今事既

在已苟所不了宜盡謙光且當寧從其略諸道人勿復使致禮也

便皆使知聞

高僧傳六沙門不拜俗事二

詔報卞嗣之袁恪之

何緣爾便宜奉詔

沙門不拜俗事二

又報

置之使自己亦是兼愛九流各遂其道也

沙門不拜俗事二

又報

自有內外兼弘者何其于用前代理卿區區惜此更非讚其道也

沙門不拜
俗事二

下書受禪

夫三才相資天人所已成功理由一統貞夫所已司契帝王之興
其源深矣自三五已降世代參差雖所由或殊其歸一也朕皇考
宣武王聖德高邁誕啓洪基景命攸歸理貫自昔中間屯險弗克
負荷仰瞻宏業殆若綴旒藉否終之運遇時來之會用獲除茲救
溺拯拔人倫晉氏已多難薦臻厯數唯旣典章唐虞之準述遵漢
魏之則用集天祿于朕躬惟德不敏辭不獲命稽若令典遂升壇
燎于南郊受終于文祖思覃斯慶願與億兆聿茲更始

晉書
桓玄傳

下書封晉帝爲王

夫三格作寶有自來矣爰暨漢魏咸建疆宇晉氏欽若厯數祖位

于朕躬宜則是古訓授茲茅土呂南康之平固縣奉晉帝爲平固王車旗正朔一如舊典

晉書相
玄傳

受禪告天文

晉帝欽若景運敬順明命呂命于玄夫天工人代帝王所呂興匪君莫治惟德司其元故承天理物必由一統竝聖不可呂二君非賢不可呂無主故世換五帝鼎遷三代爰暨漢魏咸歸勳烈晉自中葉仍世多故海西之亂皇祚殆移九代廓寧之功升明黜陟之勳微禹之德左衽將及太元之末君子道消積毀基亂鍾于隆安禍延士庶理絕人倫玄雖身在草澤見棄時班義情理感胡能無慨投袂剋清之勞阿衡撥亂之績皆仰憑先德遺愛之利玄何功焉屬當理運之會猥集樂推之數呂寡昧之身踵下武之重膺革泰之始託王公之上誠仰藉洪基德漸有由夕惕祗懷罔知攸厝君位不可呂久虛人神不可呂乏饗是用敢不奉呂欽恭大禮敬

簡良辰升壇受禪告類上帝曰永綏民望式孚萬邦惟明靈是饗

晉書桓
玄傳

桓謙

謙字敬祖冲第二子初曰父功封宜陽縣侯累遷輔國將軍吳
國內史孫恩之亂出奔徵拜尙書元顯引爲驃騎諮議參軍轉
司馬元興初爲西中郎將持節都督荆益寧梁四州諸軍事荆
州刺史尋爲尙書左僕射領吏部加中軍將軍改封寧都侯拜
尙書令加散騎常侍遷侍中衛將軍開府錄尙書事桓玄篡位
封新安王領揚州刺史玄誅依桓振振敗奔姚興興遣入蜀爲
譙縱募兵東下剽道規破斬之

奏止百僚拜陵

百僚拜陵起于中興非晉舊典積習生常遂爲近法尋武皇帝詔
乃不使人主諸王拜陵豈惟百僚謂宜遵奉

宋書禮志二又通典
五十二安帝元興元

年左僕射
桓謙奏

荅桓玄書明沙門不應致敬王者

中軍將軍尙書令宜陽開國侯桓謙等惶恐死罪奉誨使沙門致敬王者何庾雖論意未究盡此是大利宜使允中實如雅論然佛法與老孔殊趣禮教正乖人曰髮膚爲重而彼髡削不疑出家棄親不曰色養爲孝土木形骸絕欲止競不期一生要福萬劫世之所貴已皆落之禮教所重意悉絕之資父事君天屬之至猶離其親愛豈得致禮萬乘勢自應廢彌歷三代置其絕羈當曰神明無方示不曰涯檢視聽之外或別有理今便使其致恭恐應革者多非惟拜起又王者奉法出于敬信其理而變其儀復是情所未了卽而容之乃是在宥之弘王令曰別荅公雖孔國張敞在彼想已面諮所懷道實諸道人竝足酬對高旨下官等不諳佛理率情曰言愧不足覽謙等惶恐死罪

沙門不拜
俗事一

賜進士出身二品銜廣東等處提刑按察使司按察使兼管驛傳事務南岡王毓藻校刊

全晉文卷一百二十

烏程嚴可均校輯

郭璞

璞字景純河東聞喜人惠懷閼避亂過江宣城太守殷佑曰爲參軍後爲王導參軍大興初除著作佐郎尋遷尚書郎母憂去職明帝初王敦起爲記室參軍已阻謀逆被斬敦平追贈弘農太守有爾雅注五卷音二卷圖十卷圖贊二卷方言注十三卷三蒼注三卷穆天子傳注六卷山海經注二十三卷圖贊二卷水經注三卷周易林五卷洞林三卷新林四卷又九卷卜韻一卷楚辭注二卷子虛上林賦注一卷集十七卷

巫咸山賦

并序

蓋巫咸者實曰鴻術爲帝堯醫生爲上公死爲貴神豈封斯山而因呂名之乎

伊巫咸之名山。岬孤停而巖峙。體岑峭已隆積。冠崇嶺已峻起。配華霍已助鎮。致靈潤乎百里。爾乃寒泉懸涌。淩湍流帶。林薄叢龍。幽蔚隱藪。入風之所歸起。游鳥之所喧會。潛瑕石。揚蘭茝。迴翔鵷集。淩鵲鷖。翳禽鳥。栖陽已晨鳴。熊虎窟陰而夕嘯。戴文類聚七

江賦

咨五才之竝用。實水德之靈長。惟岷山之導江。初發源乎濫觴。聿經始于洛汭。攏萬川乎巴梁。衝巫峽已迅激。躋江津而起漲。極泓量而海運。狀滔天已淼茫。總括漢泗。兼包淮湘。并吞沅澧。汲引沮漳。源二分于岷峽。流九派乎潯陽。鼓洪濤于赤岸。淪餘波乎柴桑。網絡羣流。商摧涓澮。表神委于江都。混流宗而東會。注五湖已漫漶。灌三江而湖沛。滴汗六州之域。經營炎景之外。所已作限于華裔。壯天地之嶮介。呼吸萬里。吐納靈潮。自然往復。或夕或朝。激逸勢已前驅。乃鼓怒而作濤。峨嵋爲泉陽之揭。玉壘作東別之標。衡

霍崑落已連鎮。巫盧鬼窟而比嶠。協靈通氣。濟溥相陶。流風蒸雷。
騰虹揚霄。出信陽而長邁。深大壑與沃焦。若乃巴東之峽。夏后疏
鑿。絕岸萬丈。壁立赧駭。虎牙嶸豎。已屹峯。荆門闕竦。而盤礴圓淵。
九回已懸騰。溢流雷响。而電激駭浪。暴灑驚波。飛薄迅洩。增澆涌。
湍疊躍。舂巖鼓作。崩澌聚澇。乘溪灑。噴濩波瀾。涵湟浹決。滌潤
澗淪。漩澀滌。澇澇。澇澇。澇澇。澇澇。澇澇。澇澇。澇澇。澇澇。澇澇。澇澇。
巨石砒矼。已前卻。潛演之所。汨湫奔溜之所。峽錯厓隙。爲之泐。屹
碣嶺爲之崿。嶠幽澗積咀。磐砢砢。砢砢。若乃曾潭之府。靈湖之淵。澄
澹汪沆。廣混困泣。泓沚洞淥。沿鄰圖潏。混泮灝渙。流映揚媚。溟濬
渺沔。汗汗沔沔。察之無象。尋之無邊。氣滂渤已霧杳。時鬱律其如
煙。類胚渾之未凝。象太極之構天。長波浹渫。峻湍崔嵬。盤渦谷轉。
凌濤山頽。陽侯吸磯。已岸起。洪濤宛演。而雲迴。沅淪淪。懷乍浥乍
堆。微如地裂。豁若天開。觸曲厓已縈繞。駭崩浪而相礪。鼓谷窟已

溯漱乃溢湧而駕隈魚則江豚海狶叔鮪王鱣鯨鰈魴鮫鯢
 鯉或鹿貉象鼻或虎狀龍顏鱗甲錯錯煥爛錦斑揚鰭掉尾噴浪
 飛颺排流呼哈隨波遊延或爆采已晃淵或嚇鰓乎巖閒介鯨乘
 濤已出入鰲鯨順時而往還爾其水物怪錯則有潛鵠魚牛虎蛟
 鉤蛇螭蟬蟹蠃鱸鼇鼉龐王玳海月土肉石華三蛟虾江鸚螺蛭
 蝸瑛蚌腹蟹水母目蝦紫虻如渠洪蚶專車瓊蚌晞曜已瑩珠石
 蛙應節而揚葩蜎蜎森寢已垂翹玄螭魄礫而礫礫或泛激于潮
 波或混淪乎泥沙若乃龍鯉一角奇鴈九頭有鼈三足有龜六眸
 頽螢跂躍而吐璣文魷磬鳴已孕璆儉蠕拂翼而掣耀神蜈蠅輪
 已沈遊駢馬騰波已嘘蹠水兕雷咆乎陽侯淵客聚室千巖底鮫
 人構館于懸流電布餘糧星離沙鏡青綸競糾緝組爭映紫茱熒
 眊已叢被綠苔鬱鬱平研上石帆蒙籠已蓋嶼萍實時出而漂泳
 其下則金礦丹礫雲精燭銀琬珎璿瑰水碧潛璫鳴石列于陽道

浮磬肆乎陰澗。或穎彩輕漣。或媚曜崖鄰。林無不凝。岸無不津。其羽族也。則有晨鵠。天雞。鵝鷺。鷗鷺。鴈陽。鳥爰翔于巳。玄月。千類萬聲。自相喧聒。濯翮疏風。鼓翅翩跹。揮弄麗珠。拊拂瀑沫。集若霞布。散如雲豁。產託積羽。往來勃碣。擗杞稷。薄于潯浹。協榷森嶺。而羅峯。桃枝。負管。實繁有叢。葭蒲雲蔓。櫻巳蘭紅。揚隔昨。擢紫茸。蔭潭隩。被長江。繁蔚芳離。隱謁水松。涯灌芋莖。潛蓄葱龍。鯨鯨踟躕。于垠。瞰獺獬。睨平。厥空迅。雖臨虛。巳騁巧。孤猥登危。而雍容。夔。拓。超。踞。于夕陽。鷺。離。弄。翮。乎山東。因岐成渚。觸淵開渠。漱壑生浦。區別作湖。澄之。巳滌。渙。濶之。巳尾閭。標之。巳翠翫。泛之。巳遊菰。播匪茲之芒種。挺自然之嘉蔬。鱗被菱荷。攢布水蕒。翹莖瀼藻。濯穎散裹。隨風猗委。與波潭沲。流光潛映。景炎霞火。其翳則有雲夢雷池。彭蠡青草。具區洮滬。朱滌丹藻。極望數百。沆瀣晶滌。爰有包山洞庭。巴陵地道。潛達傍通。幽岫窈窕。金精玉英。瑱其裏。瑤珠怪石。琤其

表驪糾縈其址，梢雲冠其嶸。海童之所巡遊，琴高之所靈矯。冰夷倚浪，已傲睨江妃。含嘖而瞬眇，撫淩波而鳬躍。吸翠霞而天矯，若乃宇宙澄寂，八風不翔。舟子于是擗棹，涉人于是接榜。漂飛雲運，餘艖舳舨相屬。萬里連檣，汧汭淞流。或漁或商，赴交益投。幽浪竭南，極窮東荒。爾乃蕭零暇于清旭，覘五兩之動靜。長風颺已增扇，廣莫颺而氣整。徐而不颺，疾而不猛。鼓帆迅越，趙漲截洞。淩波縱施，電往杳冥。霸如晨霞，孤征眇若雲翼。絕嶺倏忽數百千里，俄頃飛廉無已。踰其蹤，渠黃不能企其景。于是蘆人漁子，擯落江山。衣則羽褐，食惟蔬糲。枵澱爲泔，夾澤羅筌。箛篴連鋒，簫笛比船。或揮輪于懸碕，或中瀨而橫旋。忽忘夕而宵歸，詠採菱已叩舷。傲自足于一嘔，尋風波已窮年。爾乃域之已盤巖，豁之已洞壑。疏之已泄汜，鼓之已朝夕。川流之所歸湊，雲霧之所蒸液。珍怪之所化產，瑰奇之所窟宅。納隱淪之列真，挺異人乎精魄。播靈潤于千里，越岱

宗之謫后。及其謫變條。恍符祥。非一動應無方。感事而出。經紀天地。錯綜人術。妙不可盡之于言。事不可窮之于筆。若乃岷精垂照于東井。陽侯遞形乎大波。奇相得道而宅神。乃協靈爽于湘娥。駭黃龍之負舟。識伯禹之仰喙。壯荆飛之擒蛟。終成氣乎大阿。悍要離之圖慶。在中流而推戈。悲靈均之任石。歎漁父之擢歌。想周穆之濟師。驅八駿于鼇鼉。感交甫之喪佩。愍神使之嬰羅。煥大塊之流形。混萬盡于一科。保不虧而永固。稟元氣于靈和。攷川瀆而妙觀。實莫著于江河。文選蘇文類聚人

鹽池賦

水潤下已作鹹。莫斯鹽之最靈。傍峻岳已發源。池茫爾而海淳。嗟玄液之潛潤。羌莫知其所生。熙金葩之融炎。穎躍結而淪成。狀委蛇其若漢。流漫漫已潞潞。吁鑿鑿已粲粲。色皜然而雪朗。揚赤波之煥爛。光肝肝已晃晃。隆陽映而不焦。洪濤沃而不長。歸崔嶠確。

鏐刻基方玉潤膏津雪白凌岡粲如散繭煥若市璋于是漫口丹
盤薄搜重床紫淪灑炎紅華籠光爛然漢明晃爾霞赤望之絳蒸
卽之雪積翠塗內映積液外霽動而愈生損而滋益若乃煎海鑠
泉或凍或漉所瞻不過一鄉所營不過鍾斛飴戎見軫于西鄰火
井擅奇乎巴濮豈若茲池之所產帶神臣之名嶽吸靈潤于河汾
總膏液乎滄凍

藝文類聚九又書鈔
一百四十六引六條

井賦

益作井龍登天鑿后土洞黃泉潛源洊臻滴滴涓涓幽溟圓停滯
洞濠玄爾乃冠玉檻螭鱗錯鼓鹿盧揮勁索飛輕祛之續紛手爭
驚而互擲長縲委蛇已曾繁今瑤甕龍騰而灑激氣霧集已杳冥
今聲雷駭而崩騰乃回澄已靜映狀罔然而鏡灼挹之不損停之
不溢莫察其源動而愈出信潤下而德施壯邑移已不改獨星陳
于丘墟今越百代而猶在守虛靜已玄澹今不東流而注海

藝文類聚

凡初學記七錄
覽一百八十九怪季桓之穿費兮乃獲羊于土缶重華窘而龍化

今子求鑒已忘醜初學記七

流寓賦

戒雞晨而星發至猗氏而方曉觀屋落之隳殘顧徂見乎丘棗嗟
城池之不固何人物之希少越南山之高嶺修焦丘之微路駭斯
徑之峻絕感王陽而增懼詰朝發于解池辰中暨乎河北思此縣
之舊名蓋曩日之魏國詠詩人之流歌信風土之儉刻背茲邑之
迴逝何險難之多歷望陝城于南涯存虢氏之疆場實我姓之攸
出邈有懷乎乃迹陟函谷之高關壯斯勢之險固過王城之丘壙
想穀洛之合關思王靈之壅流奇子喬之輕舉遊華輦而永懷乃
凭軾已寓目思文公之所營蓋成周之墟域藝文類聚二十七

南郊賦

于是時惟青陽日在方旭我后方將受命于靈壇乃改步而鳴玉

升金軒、撫太僕、揚六轡、齊八隊、列五幡于一元兮。靡日月乎黃屋。
矯陵鳥已偵候兮。整豹尾于後屬。武騎伋已清道兮。被練煥已波
燭。爾乃造廣場、展壇庭、百寮山立、萬乘雲屯、延祝史、肆玉牲、登圓
丘、揖太清、禮羣望、告皇靈、天澄其氣、日朗其精、飛廉鼓舞于八維
兮。豐隆擊節于九冥、祝融穆清而肅侍兮。陽侯澹日中停。于是司
烜戒燧、火烈其炳、宗皇祖而郊祀、增孝思之惟永、郊寢之內、區域
之外、雕題卉服、被髮左帶、駿奔在壇、不期而會、戢戢羣辟、蚩蚩黎
庶、翹懷聖猷、思我王度、事崇其簡、服尚其素、化無不融、萬物自鼓。
振西北之絕維、隆東南之撓柱、廓清紫微、電掃神宇、風馬桂林、抗
旌琳圃、五岳不足已題其勲、九韶不足已贊其舞、饗駭鬼方、聲震
岷隴、倒景望風、龍漢企踵、爛若列星之環辰、咸雲騰而海涌、此蓋
和氣旁通、玄羅潛總、自然之感、鼓而遂動。欽定四庫全書

弊樟擢秀于祖邑

水經嶺水注
欽定四庫全書

欽定四庫全書
八例學記十三

登百尺樓賦

在青陽之季月，登百尺已高。觀嘉斯遊之可娛，乃老氏之所歎。撫
凌檻已遙想，乃極目而肆運。情眇然已思遠，悵目失而潛慍。瞻禹
臺之隆崑，竒巫咸之孤峙。美鹽池之澗汙，察紫氛而霞起。異傅巖
之幽人，神介山之伯子。揖首陽之二老，招鬼谷之隱士。嗟王室之
蠹蠹，方構怨而極武。哀神器之遷浪，指綴旒已譬主。雄戟列于廊
枝，戎馬鳴乎講柱。寤茗華而增怪，歎飛駟之過戶。陟茲樓已曠眺，
情慨爾而懷古。載文類聚六十三

蜜蜂賦

嗟品物之蠢蠢，惟貞蟲之明族。有叢瑣之細蜂，亦策名于羽屬。近
浮遊于園薈，遊翱翔乎林谷。爰翔爰集，蓬轉飄迴。紛紜雪亂，混沌
雲頽。景翳耀靈，響迅風雷。爾乃眩媛之雀，下林天井。青松冠谷，赤
蘿繡嶺。無花不纒，無陳不肖。吮瓊液于懸峯，吸椒津乎晨景。于是

迴蔭林篁、經營堂窟、繁布金房、疊構玉室、應青陽而啓戶、口口口口口口、咀嚼華滋、釀已爲蜜、自然靈化、莫識其術、散似甘露、凝如割肪、冰鮮玉潤、髓滑蘭香、窮味之美、極甜之長、百藥須之、已諧和扁鵲得之而術良、靈娥御之已豔顏、口口口口口口口口爾乃察其所安、視其所託、恆據中而虞難、營翠微而結落、微號明于羽族、閤衛固乎管籥、誅戮峻于鐵鉞、招徵速乎羽檄、集不謀而同期、動不安而齊約、大君已總羣民、又協氣于零雀、本注雀一名零雀、每先馳而聳宇、番巖穴之經略、書鈔一百四十七引四條、文類聚九十七御覽九百二十八又八百五十七誤作郭珍、蚍蜉賦

惟洪陶之萬殊、賦羣形而遍灑、物莫微于昆蟲、屬莫賤乎螻蟻、淫淫奕奕、交錯往來、行無遺迹、驚不動埃、迅雷震而不駭、激風發而不動、虎賁比而不懾、龍劒揮而不恐、乃奮舟而是制、無小大與輕重、因無心已致力、果有象乎大勇、出奇膠于九真、流積液其如血

飾殷人之喪與在四隅而交結濟濟國之窮師分由東山之高垤
感萌陽曰潛山兮知將雨而封穴伊斯蟲之愚昧乃先識而似愆
書鈔一百五十八藝文類聚
九十七御覽九百四十七

龜賦

應交甫之喪佩愍神使之纓羅

初學記
三十

辭尚書郎表

今當曰劣弱之質充督責之官曰無用之才管繁劇之任且臺郎

清選論望宜允

北堂書鈔六
十引爾雅

省刑疏

臣聞春秋之義貴元慎始故分至啟閉曰觀雲物所曰顯天人之
統存休咎之徵臣不揆淺見輒依歲首粗有所占卦得解之既濟
案爻論思方涉春木王龍德之時而爲廢水之氣來見乘加升陽
未布隆陰仍積坎爲法象刑獄所麗變坎加離厥象不燭曰義推

之皆爲刑獄殷繁理者有壅濫又去年十二月二十九日太白蝕月月者屬坎羣陰之府所曰照察幽情曰佐太陽精者也太白金行之星而來犯之天意若曰刑理失中自壞其所曰爲法者也臣術學庸近不練內事卦理所及敢不盡言又去秋曰來沈雨跨年雖爲金家涉火之祥然亦是刑獄充溢怨歎之氣所致往建興四年十二月中行丞相令史滔于伯刑于市而血逆流長標伯者小人雖罪在未允何足感動靈變致若斯之怪邪明皇天所曰保佑金家子愛陛下屢見災異殷勤無已陛下宜側身思懼曰應靈譴皇極之譴事不虛降不然恐將來必有愆陽苦雨之災崩震薄蝕之變狂狡蠱戾之妖曰益陛下盱食之勞也臣謹尋案舊經尙書有五事供禦之術京房易傳有消復之救所曰緣咎而致慶因異而適政故木不生庭太戊無曰隆雉不鳴鼎武丁不爲宗夫寅畏者所曰饗福怠傲者所曰招患此自然之符應不可不察也案解

卦繇云君子已赦過宥罪既濟云思患而豫防之郊祀者已通天
人之誠感因農祥而祈事上乃致敬于黃靈下已播惠于萌黎者

也

已上三十二字依御覽五百二十七補

臣愚已爲于卦之義既郊之後

已上八字依御覽補

宜發哀矜之詔引在予之責蕩除瑕釁贊陽布惠使幽斃之人應
養生已悅育否滯之氣隨谷風而舒散此亦寄時事已制用藉開
塞而曲成者也臣竊觀陛下貞明仁恕體之自然天假其祐奄有
區夏啟重光于已昧廓四祖之遐武祥靈表瑞人鬼獻謀應天順
時殆不尙此然陛下卽位已來中興之化未闡雖躬綜萬機勞逾
日昃立澤未加于羣生聲教未被乎宇宙臣主未寧于上黔細未
輯于下鴻雁之詠不興康衢之歌不作者何也杖道之情未著而
任刑之風先彰經國之略未震而軌物之迹屢遷夫法令不一則
人情惑職次數改則覬覦生官方不審則秕政作懲勸不明則善
惡渾此有國者之所慎也臣竊爲陛下惜之夫已區區之曹參猶

能遵蓋公之一言倚清靖曰鎮俗寄市獄曰容非德音不忘流詠
于今漢之中宗聰悟獨斷可謂令主然厲意刑名用虧純德老子
曰禮爲忠信之薄況刑又是禮之糟粕者乎夫無爲而爲之不宰
曰宰之固陛下之所體者也恥其君不爲堯舜者亦豈惟古人是
已敢肆狂瞽不隱其懷若臣言可採或所已爲塵露之益若不足
採所已廣聽納之門願陛下少畱神鑒賜察臣言

晉書郭璞傳

因天變上疏

臣曰頑昧近者冒陳所見陛下不遺狂言事蒙御省伏讀聖詔歡
懼交戰臣前云升陽未布隆陰仍積坎爲法象刑獄所麗變坎加
離厥象不燭疑將來必有薄蝕之變此月四日日出山六七丈情
光潛暗而色都赤中有異物大如雞子又有青黑之氣共相薄擊
良久方解案時在歲首純陽之月日在癸亥全陰之位而有此異
殆元首供禦之義不顯消復之理不著之所致也計去微臣所陳

未及一月而便有此變益明皇天留情陛下懇懇之至也往年歲末太白蝕月今在歲始日有眚譴曾未數旬大青再見日月告燿見懼詩人無曰天高其鑒不遠故宋景言善熒惑退次光武寧亂呼迤結冰此明天人之懸符有若形影之相應應之已德則休祥臻酬之已怠則咎徵作陛下宜恭承靈譴敬天之怒施沛然之恩諧立同之化上所已允塞天意下所已弭息羣譴臣聞人之多幸國之不幸赦不宜數實如聖旨臣愚已爲子產之鑄刑書非政事之善然不得不作者須已救弊故也今之宜赦理亦如之隨時之宜亦聖人之所善者此國家大信之要誠非微臣所得干預今聖朝明哲思弘謀猷方闢四門已亮采訪輿誦于羣心況臣蒙珥筆朝末而可不竭誠盡規哉

晉書郭璞傳

皇孫生上疏

有道之君未嘗不己危自持亂世之主未嘗不己安自居故存而

不忘亡者三代之所已興也亡而自已爲存者三季之所已廢也是已古之令主開納忠讜已弼其違標顯功直用攻其失至乃聞一善則拜見規誠則懼何者蓋不私其身處天下已至公也臣竊惟陛下符運至著勛業至大而中興之祚不隆聖敬之風未躋者殆由法令太明刑教太峻故水至清則無魚政至察則眾乖此自然之勢也臣去春啟事已囹圄充斥陰陽不和推之卦理宜因郊祀作赦已蕩滌瑕穢不然將來必有愆陽苦雨之災崩震薄蝕之變狂狡蠱戾之妖其後月餘日果薄蝕去秋已來諸郡竝有暴雨水皆洪潦歲用無年適聞吳興復欲有構妄者魯微漸成臣甚惡之頃者已來役賦轉重獄犴日結百姓困擾甘亂者多小人愚嶮共相扇惑離勢無所至然不可不虞案洪範傳君道虧則日蝕人憤怨則水涌溢陰氣積則下代上此微理潛應已著實于事者也假令臣遂不幸謬中必貽陛下刪席之憂今皇孫載育天固靈基

黔首顛隕實望惠潤又歲涉午位金家所忌宜于此時崇恩布澤則火氣潛消災譴不生矣陛下上承天意下順物情可因皇孫之慶大赦天下然後明罰敕法已肅理官克厭天心慰塞人事兆庶幸甚禎祥必臻矣臣今所陳慙而省之或未允聖旨久而尋之終亮臣誠若所啟上合願陛下勿已臣身廢臣之言臣言無隱而陛下納之適所已顯君明臣直之義耳

晉書郭璞傳

諫畱任谷宮中疏

任谷所爲妖異無有因由陛下立鑒廣覽欲知其情狀引之禁內供給安處臣聞爲國已禮正不聞已奇邪所聽惟人故神降之吉陛下簡默居正動遵典刑案周禮奇服怪人不入宮況谷妖詭怪人之甚者而登講肄之堂密邇殿省之側塵黷日月穢亂天聽臣之私情竊所已不取也陛下若已信爲神靈所憑者則應敬而遠之夫神聰明正直接已人事若已爲妖靈詐妄者則當投畀

裔土不宜合褻近紫闥若已谷或是神祇告譴爲國作眚者則當
克己修禮已弭其妖不宜令谷安然自容肆其邪變也臣愚已爲
陰陽陶蒸變化萬端亦是狐狸魍魎憑假作慝願陛下採臣愚懷
特遣谷出臣已人乏忝荷史任敢忘直筆惟義是規晉書郭璞傳
谷因耕息十樹下忽有一人著羽衣執淫之既而不知所在谷遂
有娠積月將產羽衣人復來已刀穿其陰下出一蛇子便去遂成
宦者後詣闕上書自云有道
衡帝畱谷于宮中璞復上疏

諫禁荻地疏

不宜禁荻地禮云名山大澤不封蓋欲與民通才共利不獨專之也

賜進士出身二品銜廣等處提刑按察使司按察使兼管驛傳事務黃岡王毓藻校刊

全晉文卷一百二十終

全晉文卷一百二十一

烏程嚴可均校輯

郭璞二

奏事

臣曰爲珍奇靡麗之物誠是玩弄之所寶然非經國之至寶

御覽八百

十二

奏請平刑

臣聞上古象刑而民不犯中古明刑曰致刑措故立刑曰禁刑立殺曰去殺重之曰死所曰求生峻之曰刑所曰輕其死死由于法輕生存乎法重此亡防之成標也然則刑無輕重用之唯平非平法之爲難思在斷之爲難是曰子皇行戮則者忘痛釋之典刑民無怨色何者積之于誠也案癸酉詔書之旨專爲邊城實之裔士濟當時一切之用非爲經遠之法亦是中夏全平之時威御足

指控制故可得行之矣。欲役無賴子弟，驅不逞之人，聚之于空荒四維之地，將已扞固牧圉，未見其利也。且濱接鯨嶺，密邇姦藪，退未絕其巨窟之願，進無已塞其逋逃之門。五流三居，誠古之犯刑論之于今，事實難行。且律令已跨三代，歷載所遵，未易輕改者也。是已刑法不專，則名幸者興，政令驟變，則人志無繫，子產患其如此，故矯先正議事之制，而立刑書之辟，皆所已弼民心而正羣惑者也。

藝文類聚

五十

客傲

客傲郭生曰：玉已兼城爲寶，士已知名爲賢。明月不妄映，蘭葩豈虛鮮。今足下旣已拔文秀于叢會，蔭弱根于慶雲，陵扶搖而竦翮，揮清淵以濯鱗，而響不徹于一臬，價不登乎千金，傲岸榮悴之際，頽頽龍魚之間，進不爲諧隱，退不爲放言，無沈冥之韻，而希風乎巖先，徒費思于鑽味，募洞林乎連山，尙何名乎？夫舉驪龍之鬣，撫

翠禽之毛而不得絕霞肆跨天津者未之前聞也郭生粲然而笑曰鴈鴒不可與論雲翼并蛙難與量海龍雖然將祛子之惑訊曰未悟其可乎乃者地維中絕乾光墜采皇運暫迴廓祚淮海龍德時乘羣才雲駭藹若鄧林之會逸翰爛若溟海之納奔濤不煩咨嗟之訪不假蒲帛之招羈九有之奇駿咸總之于一朝豈惟豐沛之英南陽之豪昆吾挺鋒驕驕軒髦杞梓競敷蘭蕙爭翹嚶聲冠干伐木援類繁乎拔茅是已水無浪土巖無幽人刈蘭不暇爨桂不給安事錯薪乎且夫窟泉之潛不思雲輦熙冰之采不羨旭晞混光耀于埃藹者亦曷願滄浪之深秋陽之映乎登降紛于九五淪湧懸乎龍津蚬蛾已不才陸槁蚌虵已騰驚暴鱗連城之寶藏于褐裹三秀雖隳糜于麗采香惡乎芬賈惡乎在是已不塵不冥不馳不駢支離其神蕭悴其形形廢則神王跡躡而名生體全者爲犧至獨者不孤傲俗者不得已自得默覺者不足已涉無故不

懷心而形遺不外累而智喪無巖穴而冥寂無江湖而放浪玄悟
不己應機洞鑒不己昭曠不物物我我不是是非非忘意非我意
意得非我懷寄羣籟乎無象域萬殊于一歸不壽殤子不夭彭涓
不壯秋豪不小太山蚊淚與天地齊流蜉蝣與大椿齒年然一閭
一開兩儀之跡一沖一溢懸象之節渙沍期于寒暑周蔚要乎春
秋青陽之翠秀能豹之委顧駿狼之長暉立陸之短景故皋壤爲
悲欣之府胡蝶爲物化之器矣夫欣黎黃之音者不蠶蟋蟀之吟
豁雲臺之觀者必闕帶索之歡縱蹈而詠採薺擁壁而歎抱關戰
機心已外物不能得意于一弦悟往復于嗟歎安可與言樂天者
乎若乃莊周偃蹇于漆園老萊婆娑于林窟嚴平澄漠于塵肆梅
眞隱淪乎市卒梁生吟嘯而矯跡焦光混沌而槁杌阮公昏酣而
賣傲翟叟遯形已倏忽吾不能幾韻于數賢故寂然玩此貝策與

智骨

晉書郭
璞傳

爾雅敘

夫爾雅者所已通詁訓之指歸敘詩人之興詠總絕代之離詞辯同實而殊號者也誠九流之津涉六藝之鈐鍵學覽者之潭奧摘翰者之華苑也若乃可已博物不惑多識于鳥獸草木之名者莫近于爾雅爾雅者蓋興于中古隆于漢氏豹鼠旣辯其業亦顯英儒膽聞之上洪筆麗藻之客靡不欽玩耽味爲之義訓璞不揆櫟昧少而習焉沈研鑽極二九載矣雖注者十餘然猶未詳備竝多紛謬有所漏略是已復綴集異聞會粹舊說攷方國之語采謠俗之志錯綜樊孫博關羣言剟其瑕礫舉其蕭稂事有隱滯援據徵之其所易了闕而不論別爲音圖用祛未寤輒復擁篲清道企望塵躅者已將來君子爲亦有涉乎此也

唐石經爾雅

方言敘

蓋聞方言之作出乎輶軒之使所已巡遊萬國采覽異言車軌之

所交人迹之所蹈靡不畢載曰爲奏籍周秦之季其業隳廢莫有
存者暨乎揚生沈淡其志歷載構綴乃就斯文是曰三五之篇著
而獨鑒之功顯故可不出戶庭而坐照四表不勞疇咨而物來能
名攷九服之逸言標六代之絕語類離詞之指韻明乖途而同致
辨章風謠而區分曲通萬殊而不雜真洽見之奇書不刊之碩記
也余少玩雅訓旁味方言復爲之解觸事廣之演其未及摘其謬
漏庶已燕石之瑜補琬琰之瑕俾後之瞻涉者可曰廣寤多聞爾
影宋本
方言

注山海經敘

世之覽山海經者皆曰其閎誕迂諄多奇怪俶儻之言莫不疑焉
嘗試論之曰莊生有云人之所知莫若其所不知吾于山海經見
之矣夫曰宇宙之寥廓羣生之紛紜陰陽之煦蒸萬殊之區分精
氣渾淆自相漬薄遊魂靈怪觸象而構流形于山川麗狀于木石

者惡可勝言乎然則總其所已就鼓之于一響成其所已變混之
于一象世之所謂異未知其所已異世之所謂不異未知其所已
不異何者物不自異待我而後異異果在我非物異也故胡人見
布而疑麋越人見罽而駭毘夫甌所習見而奇所希聞此人情之
常蔽也今略舉可已明之者陽火出于冰水陰鼠生于炎山而俗
之論者莫之或怪及談山海經所載而咸怪之是不怪所可怪而
怪所不可怪也不怪所可怪則幾于無怪矣怪所不可怪則未始
有可怪也夫能然所不可不可所不可然則理無不然矣案汲冢
竹書及穆天子傳穆王西征見西王母執璧帛之好獻錦組之屬
穆王享王母于瑤池之上賦詩往來辭義可觀遂襲昆崙之丘遊
軒轅之宮眺鍾山之嶺玩帝者之寶勒石王母之山紀跡乎圖之
上乃取其嘉木豔草奇鳥怪獸玉石珍瑰之器金膏燭銀之寶歸
而殖養之于中國穆王駕八駿之乘右服盜驪左驂騄耳造父爲

御絳戎爲右萬里長騫。已周歷四荒名山大川靡不登濟東升大
人之堂西燕王母之廬南轅轅澁之梁北躡積羽之衢窮歡極娛
然後旋歸案史記說穆王得盜驪騄耳驂驅之驥使造父御之已
西巡狩見西王母樂而忘歸亦與竹書同左傳曰穆王欲肆其心
使天下皆有車轍馬跡焉竹書所載則是其事也而譙周之徒足
爲通識瑰儒而雅不平此驗之史考已著其妄司馬遷敘大宛傳
亦云自張騫使大夏之後窮河源惡覩所謂崑崙者乎至禹本紀
山海經所有怪物余不敢言也不亦悲乎若竹書不潛出于千載
已作徵于今日者則山海之言其幾乎廢矣若乃東方生曉畢方
之名劉子政辨盜械之尸王順訪兩面之客海民獲長臂之衣精
驗潛效絕代縣符於戲羣惑者其可已少寤乎是故聖王原化已
極變象物已應怪鑒無滯蹟曲盡幽情神焉度哉神焉度哉蓋此
書跨世七代歷載三千雖暫顯于漢而尋亦寢廢其山川名號所

在多有舛謬與今不同師訓莫傳遂將湮泯道之所存俗之所喪
悲夫余有懼焉故爲之創傳疏其壅闕闢其荊蕪領其孳致標其
洞涉庶幾令逸文不墜于世奇言不絕于今夏后之跡靡栗于將
來八荒之事有聞于後裔不亦可乎夫翳薈之翔巨目論垂天之
凌蹶淖之遊無已知絳糾之騰鈞天之庭豈伶人之所躡無航之
津豈蒼兕之所涉非天下之至通難與言山海之義矣嗚呼達觀
博物之客其鑒之哉

道藏本
山海經

爾雅圖贊

謹案隋志注梁有爾雅圖贊二卷郭璞撰亡舊唐志復有之宋
已後不著錄近惟余蕭客古經解鉤沈邵晉函爾雅正義略采
數事漏落者十八九張溥本則與山海經圖贊附雜絕不區分
今從藝文類聚初學記御覽寫出四十八篇依爾雅經文先後
編次之

釋器

鼎

九牧貢金鼎出夏后和味養賢曰無化有赫赫三事鑒于覆簋

類聚九

金銀

惟金三品揚越作貢五材之珍是謂國用務經軍農爰及雕弄

類聚八十三初

筆

上古結繩易曰書契經緯天地錯綜羣藝日用不知功蓋萬世

類聚五十八初

珪

玉作五瑞辯章有國君子鳴佩亦曰表德永觀厥祭時惟文則

類聚八十三

釋天

星

茫茫地理、燦爛天文、四靈垂象、萬類羣分、眇觀六沚、咎徵惟君、

文苑

類聚

祭天地

祭地肆瘞、郊天致禋、氣升太一、精淪九泉、至敬不文、明德惟鮮、

文苑

類聚一初
學記一

釋地

比目魚

比目之鱗、別號王餘、雖有二片、其實一魚、協不能密、離不為疏、

文苑

類聚九

比翼鳥

鳥有鵜鵜、侶鳬青赤、雖云一質、氣同體隔、延頸離鳴、翻能合翮、

文苑

類聚九

十九

比肩獸

歷與岨虛乍兔乍鼠長短相濟彼我俱舉有若自然同心共營

類聚九

十九

枳首蛇

夔稱一足蛇則二首少不知無多不覺有雖資天然無異駢拇

類聚九

十六

釋山

太室山

嵩惟嶽宗華岱恆衡氣通元漠神洞幽明鬼然中立眾山之英

類聚七

案道藏本山海經曰此為中山經贊驗文與爾雅上下文合今移正

釋水

水

川瀆綺錯，渙濶流帶，潛潤旁通，經管華外，殊出同歸，混之東會。

類聚八 何學記六

釋草

薜蘿

薜蘿善草，亂之蛇床，不隕其實，自別曰芳，倭人侶智巧言如簪。

類聚八十一 御覽九百八十三 大觀本草七

芙蓉

芙蓉麗草，一曰澤芝，泛葉雲布，映波綴熙，伯陽是食，饗比靈期。

類聚八十二

麻

草皮之良，莫貴于麻，用無不給，服無不加，至物在邇，求之好遐。

類聚八十五

萍

萍之在水，偕卉植地，靡見其布。漠爾鱗被，物無常託。孰之所寄？

類聚八十二

菊

菊名曰精，布華玄月。仙客薄采，何憂華髮。戴文類聚八十一又御覽九百九十六作仙客

是尋薄係薄將

款冬釋草菟奚類陳注款冬也

吹萬不同，陽煦陰蒸。款冬之生，擢穎堅冰。物體所安，焉知渙凝？

類聚八十一

茅苳

車前之草，別名茅苳。王會之云：其實如李。名之相亂，在乎疑侶。

類聚八十一

卷施

卷施之草，拔心不死。屈平嘉之，諷詠已比。取類雖邇，興有遠旨。

戴文

類聚八

十一
釋木

柚

厥苞橘柚精者曰柑實染繁霜葉鮮翠藍屈生嘉歎曰為美談

類聚八十七御覽九百六十六九百七十三

棗

建國辨方外朝九棘因材制義赤心鯁直藹藹卿士亮此衮職

記二十人御覽九百六十五

梧桐

桐實嘉木鳳凰所栖爰伐琴瑟八音克諧歌曰永言嘒嘒

類聚八十八

五果

果蓏之品割啞因宜雖曰微肴貴賤有差

御覽九百六十四

釋蟲

蟬

蟲之精絜可貴惟蟬潛蛻棄穢飲露恆鮮萬物皆化人胡不然

文獻

類聚九

十七

蚯蚓

蚯蚓土精无心之蟲交不曰分淫于阜螽觸而感物无乃常雄

文獻

九百四

十七

螳螂

螳螂飛蟲揮斧奮臂當轍不迴句踐是避勇士致斃勵之曰義

文獻

類聚九十七御覽九百四十六

蚍蜉

蚍蜉瑣劣蟲之不才感陽而出應雨講白物之无懷自然知來

文獻

九百四

十七

尺蠖

貴有可賤賤有可珍嗟茲尺蠖體此屈伸論配龍蛇見歎聖人

類聚九十七御覽九百四十八

螢火

熠燿宵行蠋之微么出自腐草煙若散燦物之相煦孰知其陶

類聚九十七初學記三十

釋魚

蚌

萬物變蛻其理無方雀雉之化含珠懷璫與月盈虧協氣晦望

類聚九十七初學記二十七

貝

先民有作龜貝為貨賈曰文采賈曰小大簡則易資犯而不過

類聚八十四

騰蛇

騰蛇配龍因霧而躍雖欲升天雲罷陸漠材非所任難言久託

類聚九

十六

蟒蛇

蠢蠢萬生咸曰類長惟蛇之君是謂巨蟒小則數尋大或百丈

類聚九

十六

龜

天生神物十朋之龜或游于火或游于菴雖云類殊象一一歸

疊致用極數盡幾

藝文類聚九十
六初學記三十

釋鳥

燕

燕燕于飛瑞娥曰卯玄玉爰發聖敬日遠商人是頌詠之弦管

類聚九

十二

翡翠

翠雀麋鳥越在南海羽不供用肉不足宰懷璧其罪賈害曰采

類聚九

鼯鼠

鼯之為鼠食煙棲林載飛載乳仁獸仁禽皮籍孕婦人為大任

類聚九

釋獸

貔

書稱猛士如虎如貔貔蓋豹屬亦曰執夷白狐之云自是而非

類聚九

麟

麟惟靈獸與麋同體智在隱蹤仁表不抵孰為來哉宣尼揮涕

類聚九

十八

犀

犀之為狀形兼牛豕力無不傾吻無不靡已賄嬰災因平角猗文

類聚九十五御覽八百九十

猩猩

能言之獸是謂猩猩厥狀侶獾號音若嚶自然知往頗識御覽物

情 文類聚九十 五御覽九百八

鼯鼠

小鼠曰鼯實有螫毒乃食郊牛不恭是告厥譴惟明徵平其覺

鼯鼠

五能之鼠伎無所執應氣而化翻飛駕集詩人歌之無食我粒

鼯鼠

有鼠豹采厥號為鼯漢朝莫知郎中能名賞已束帛雅業遂盛

鼠

或曰尾翬或曰髯凌飛鼠鼓翰儵然皆騰用無常所唯神斯憑

類聚九

十五

釋畜

馬

馬出明精祖自天駟十閑六種各有名類三才五御駑駿異轡

類聚九

十三

羊

月氏之羊其類在野屢高六尺尾亦如馬何呂審之事見爾雅

類聚九

十四

賜進士出身二品銜廣東等處提刑按察使司按察使兼管驛傳事務黃岡王毓藻校刊